

In questa matina, in le do Quarantie, fo leto 34 carte di processo, et poi disnar, *etiam* reduti 29 solamente per do effetti: l'uno perchè iusta la parte li Consieri mandono fuora tutti chi erano venuti per aldir, et li Avogadori voleva restasseno tutti. *Item*, zerca lezer di processi, li Consieri terminorono si lezi secondo i tempi, et su questo fu alternation di Avogadori et avvocati di rei etc.

Noto. L' altro heri li Savi sora i statuti comenzono a dar principio, si reduseno in la camera in palazo dil Serenissimo, dove fo li altri sora le leze, et si reduseva li procuratori per le cose di Alvise Zantani gastaldo di la procuratia, i qual si ha levato di là et si riducono a compir di contar.

A dì 31, la matina, fo San Marco. Non senta li uffici ma ben le do Quarantie, per parte presa nel Conseio di X, et lexeno 50 carte dil processo. Per la terra le botege stà averte.

Di Verona, di Rectori, fo lettere. Come il duca di Milan ha scritto, che uno Cesareo da Napoli è venuto sul veronese per far fanti per il castelan di Mus, per tanto si advertissa non li fazi etc.

Fo leto le opinion da esser poste hozi in Pregadi, zerca trovar danari: chi vol una tansa al monte dil Sussidio et meza persa, chi vol 2 al monte dil Subsidio et chi una al monte dil Sussidio et una persa.

Da poi disnar, fo Pregadi, et lete le letere venute questi zorni, notate di sopra, et vene da Constantinopoli di 18 Decembrio molto desiderate, una drexà a li Cai di X. Il sumario dirò di soto.

199* Fu posto, per li Consieri, una taia, poi leto una letera di rectori di Verona, di certo incendio seguito nel fenil di Francesco Rambaldo et Michiel Gratiadio citadini veronesi in la villa di Engaza di Nogara, per tanto sia *publice* proclamà chi acuserà li malfatori habbino lire 500, et si uno compagno acuserà li altri non hessendo il principal, sia assolto, et havendo la verità, possino essi rectori meter in bando di terre et lochi etc. con taia lire 500 et confiscation di beni, *ut in parte*. Fu presa. Ave: 98, 1, 13.

Fu posto, per li Savi dil Conseio et Terra ferma una parte, di far, per scurtinio, uno cassier di Collegio, di quei vien in questo Conseio, con grande autorità *ut in parte*, la copia sarà quì avanti posta.

Et li Consieri et Cai di XL messeno farne do con la medesima autorità etc.

Andò in renga sier Piero Mocenigo avogador di Comun, contradise a una parola, è in la parte, che dise: non possendo esser electi alcuni di Collegio, et disse, aponto è necessario persone di autorità

et che entrino nel Conseio di X, perchè li se truova i danari. Non li fo risposto. Andò le parte. Ave la prima volta: 6 non sinceri, 55 di Consieri et Cai di XL, 76 di Savi, 87 di no. *Iterum* balotade le do ultime fo: 5 non sinceri, 70 di Savi, 154 di no. Et fu preso di no.

Fu poi andà a capello, per far un provedador sora le fabriche di Padoa, per eletion di la banchea et 4 man di eletion, rimase sier Marco Marzelo era XL Criminal qu. sier Piero da santa Marina.

Proveditor sora le fabriche di Padoa.

Sier Zacaria Bembo, qu. sier Francesco	52.178
Sier Zacaria Trivixan el XL criminal, qu. sier Beneto el cavalier	99.129
Sier Zuan Corner el XL criminal, qu. sier Alvise	110.119
Sier Zuan Bembo el XL criminal, di sier Zacaria	115.117
Sier Giacomo Gisi el XL criminal, qu. sier Giacomo	130.115
Sier Cabriel Barbo fo podestà et capitaniq a Bassan, qu. sier Pantalon .	103.129
Sier Bertuzzi Valier el XL criminal, qu. sier Agustin	153. 78
Sier Hironimo Pisani fo podestà a Este, qu. sier Francesco dal Banco . .	84.148
+ Sier Marco Marzello fo proveditor a Peschiera, qu. sier Marin da santa Marina	180. 49
Sier Nicolò Vituri el XL criminal, qu. sier Renier	165. 68
Sier Zuan Mathio Bembo fo auditor nuovo, qu. Alvise	147. 85
Sier Nicolò Paruta el XL criminal, qu. sier Hironimo	136. 98

Et fo licentiatto il Pregadi et dito sabado si trattaria la materia di meter angarie. Et restò Conseio di X per far li soi capi, et introno 11, *videlicet* apresso li 10 intrò *etiam* quello fu electo in loco di sier Tomà Contarini che fu sier Matio Vituri el qual per una termination fata per la Signoria dovea intrar, la qual era sta intromessa hozi per sier Piero Mocenigo avogador et la voleva menar in Quarantia criminal. Hor mandato fuora il Vituri fo parlato assà zerca questo, dicendo li Consieri non si poter menarla si non nel Conseio di X, et bisognava far vice consieri. Hor parlato assai sier Thomà Conta-